

AVP TA PARTIDO DI STATUS APARTE MEP TA PARTIDO DI INDEPENDENCIA

Segun Henny Eman a trece dilanti ayera

ORANJESTAD(AAN)— Durante conferencia di prensa ayera di AVP, Mr. Henny Eman a duna pueblo di Aruba pabien cu e logro den Eerste y Tweede Kamer, pero cu esaki no ta un pabien cu jubilo pasobra ainda e no ta ley y mester pasa Staten y Eilandsraad.

Un pabien si, pasobra un di e bareranan mas grandi a ser tuma na Hulanda durante ultimo simannan, el a laga sa.

SEPARACION/STATUS APARTE/ INDEPENDENCIA

Segun Mr. Henny Eman tur hende ta corda e desarollonan di ultimo diez añanan y con Hulanda tabata para sumamente negativo encunto cambio di Statuut, el a bisa.

"Nos ta kere cu e palabranan cu nos mester a tende, palabranan di bofon contra AVP, y con e hulandesnan a bari Status Aparte for di mesa y con e hulandesnan a bisa Status Aparte kan je op je buik schrijven, esey ta e palabranan cu a wordo ripiti door di dirigenten di MEP cada vez cu nos bolbe di Hulanda", el a bisa.

E cambio di Statuut cu AVP tabata bringa pe tanto a ser acepta awor den 1e y 2e Kamer, y den e analisis total e ta kere cu ta na su lugar pa un rato den cuadro di e pabien, di bay den historia pa algun minuut maske, pa e asuntonan un vez mas keda registra correctamente", Lider di AVP a trece dilanti.

El a declara cu na aña 1930 esnan cu despues cu a lanta AVP basa ariba e lucha pa libertad, na aña 1930 pa prome biaha e pueblo Arubano a manda e mensahe firma pa un gran parti di pueblo, pa Hulanda, cu e pueblo Arubano ta desea di ta baas den su mes cas.

Dia 18 di maart 1948 representante di AVP, di tonto tata di Sr. Eman a entrega e mocion di Status Aparte na e conferencia di mesa rondo na Hu-

landa. Esaki tabata e base pa pueblo Arubano por a sigui cu e lucha pa un dia Aruba por tin su libertad pa dicidi ariba nos mes asuntonan. E mocion e tempo ey a haya aprobacion di tur partner di Reino hulandes y tabata e base pa e pueblo Arubano sigui cu e lucha pa libertad.

AVP despues a perde varios eleccion pero a keda mantene e lucha cu e tempo ey tabata ser yama Separacion, pero e atencion principal durante e añanan ey tabata ariba desarollonan economico financiero. Ta na 70/71 cu e atencion a bay completamente atrobe ariba desarollonan estatal.

"Y di ey nos mester tin e grandeza di gradici e partido MEP, cu durante e añanan ey despues cu Hulanda a duna e mensahe cu e ta desea pa Anti-

llas bira independiente cu MEP a tuma e lucha di antaño di e pueblo Arubano atrobe y a sigui bringa pa e libertad di e pueblo Arubano. Tabata durante añanan 70 cu tabata parce cu AVP a bay over ariba un manera natural di e partido MEP cu a wordo lanta door di un grupo grandi cu a sali for di AVP cu e mesun meta di e libertad di pueblo Arubano cu AVP semper tabata tin.

Ta na aña 1977 y cu e añanan cu a sigui despues cu AVP ora el a mira cu tur otro partido a laga e lucha di pueblo cay, tambe MEP cu a acepta cu e hulandesnan no kier duna Aruba Status Aparte, ta e momento cu AVP a mantene e principio di su origen y a bay atrobe completamente tras di Status Aparte. Pasobra e pueblo a mira e manejo consistente di AVP, a pone e

partido crece atrobe y a duna AVP e forza pa convence e otro islanan di e punto di vista di AVP y tambe convence Hulanda

di e punto di vista di AVP. Tabata AVP cu a drenta den gobierno central na 1982 a base di
Sigui lesa pag. 13

AVP TA PARTIDO DI STATUS APARTE

Cont di pag12

acuerdo cu tabata tin cu tur otro partido di Antillas Hulandes, cu tabata Sr. Mito Croes como experto ariba tereno estatal kende a guia e desarollonan ariba tereno estatal cu a finaliza den e exito di conferencia di mesa rondo na 1983, caminda un punto cardinal a keda

acorda. Esaki ta cu Aruba ta bira pais ariba su mes y e Statuut di reino hulandes lo wordo cambia den sentido cu lo para den Statuut Reino Hulandes ta consisti di Hulanda --Antillas Hulandes di 5 y Aruba. Esaki ta un logro grandi cu a keda formaliza den Eerste y Tweede

Kamera ultimo dos simannan na Hulanda", Mr. Henny Eman a laga sa.

"Partido AVP ta e partido di Statuus Aparte.. partido AVP no tin e pretencion di ta e partido di independencia. E merito ey ta por completo di e partido MEP", el a laga sa.